

奉化縣志卷三十七

古蹟

周

計然村 皇覽計然冢在句章縣東一十里奉化縣北有計然村

今莫詳其處

歷志

秦漢

句章城 在縣境之北

康乾志

案康乾志句章縣注曰本越王句踐勝吳之日築城以章大

之故為是名又句章注曰

案句章下當落城字

明州有兩句章城舊本

在甬山之南宋武帝平孫恩改築於甬山之北甬山之南者

今為奉化縣句章里甬山之北者今為鄞縣句章鄉詳見句

章令孔休原碑今攷甯波郡境秦漢時為鄞鄮句章三縣鄞

奉化縣志

卷三十七

古蹟

一

今之奉化鄮今之鄞句章今之慈谿定海諸縣隋開皇間廢

鄞鄮二縣併入句章是三縣之地在當時以句章為最大或

包今鄞奉邊界而有之鄞西南有句章鄉其證也至句章城

謂在今慈谿縣南十五里地名城山者寶慶志之說也謂在

鄞之小溪鎮者延祐志之說也謂在慈谿城山渡後徙句章

鄉小溪鎮者嘉靖志之說也舊說相仍從無及甬山之南者

奉化志所引孔碑有無不可攷今甬山之南亦無句章里是

其說之尤可疑也然攷句章實因山得名古書每稱句甬非

句踐勝吳始有是名江口山名甬山山之北又為句章鄉句

章之境未始不可及山之南又攷南渡璉琳以下驛道有鄞

塘之名秦漢時鄞之西境或以鄞塘為界則是甬山之南當

屬之句章矣查今甬山西南五里有三界廟或稱城隍廟其

左近之田亦有城裏田城外田之名疑此卽句章城故址殆  
不過保障之類不必附會越王亦不必與鄞縣之小溪慈谿  
之城山辨其孰是孰非也故統其事於秦漢而辨之如此

鄞城 縣東四十里白杜里圖經曰白杜里有鄞城山是也近山  
有古城隍廟又其地有甃器古壑盃脫盆槃堆塚成山掘三四尺

廣延二三里皆是

歷志

鎮亭

縣西南

據鎮亭山在縣西南一百里

漢書地理志鄞有鎮亭

鮎埼亭

縣南

據鮎埼山在縣南五十里

漢書地理志鄞有鮎埼亭顏師古注

埼曲岸也其中多鮎故以名亭

黃公里 在黃賢村宋林逋亦其里人也

康熙志

明汪綸黃賢詩黃公探芝商洛去海上孤村倚舊遊晦迹已終  
秦二世潔身不入漢諸侯青山窈窕雲長在綠樹逶迤路轉幽  
此地更聞林處士  
清風高節繼前修

奉化縣志

卷三十七

古蹟

二

晉

黎洲 縣西百里四明山記云晉時溪邊沙上忽生黎實孫興公  
及兄承公同遊至澗側得黎數枚左右環視莫見其跡意以為仙  
物故號黎洲十道四番志卽劉綱與夫人升仙處

寶慶志

案舊志又列孫公棠四明山志以為棠卽杜黎興公既有拾  
黎見之黎洲山矣又稍變其說而為植棠是一事而分為二  
也黃黎洲固疑之至全謝山作公塘辨其說益明

剡源九曲 縣西六十里有山夾溪而出翫然深茂剡源山也謂  
之剡源者以其近越之剡縣也溪以曲數者凡九王元恭至正志

詳列其目

四明山志參  
鮎埼亭集

元陳沆剡源九曲圖記州西五十里而遙有鄉曰剡源以其界  
於越之剡縣也梁開平間雖析剡而為新昌實剡之故壤所以  
謂之剡源其支濫觴於九雷巖谷中逶迤曲折貫穿羣岫水一  
曲而為六詔晉右將軍王公逸少隱居其間詔六下而不起地

由是名後人爲之立廟有硯石存焉二曲爲蹕駐乃與黃沙高  
會舊傳錢忠懿王嘗蒞其地如僧傳東迤北匯爲兩湖蒼崖壁  
僧大川濟實生其中德行具淵潭靜深魚筍可數兩山旋繞  
立石林棋布有石如幘頭素園在是東而爲白坑其水旁注坑  
賦詩者天鼓聞之生緣亦在是又北清容黃卿諸公所爲  
石有穴大而深者如井窪其上則有蓮葉有坑其水旁注坑  
唐白馬師所建蒙齋袁先生習菴陳提刑紀遊之詩尚在端憲  
沈公與予先人之記猶對峙也偃溪住山時常立鄭忠定公祠  
其遺墨與樗棂之旁並傳焉又東而爲三石有巨石三矗溪澗  
三峯插雲石室可坐數十人上有丹霞二字儼若朱書內則有  
石洞深不可測識風蓬勃中出怒撼山拔木禱則化旱爲  
雨雲笈七籤所謂丹山赤水之天也予家其下先太博無恙時  
與少府叔父爲山水之樂余兄弟日侍几杖游覽之處歷歷可  
指也又北東而爲茅渚有梵宮曰上乘即天鼓所授經者余祖  
瑩在其後又北折而與斑溪水會此則源之南派榆林石門  
在其上則戴帥初所居地也又北流而與晦溪水合是曰高隩  
僉判張欽之族聚焉北山之高者雪竇也千丈之飛瀑在上東  
有山如蓮葉者法喜也中丞舒公亶之詠在焉東流爲公棠則  
九曲之溪盡矣世謂孫興公自黎洲持甘棠植此故曰公棠雪  
溪戴居士居之時人謂刻源三教蓋謂先太博大川雪溪也夫  
刻源九曲亦同乎武夷九曲武夷九曲非考亭朱子幾泯沒而  
無聞以韓元吉之記而晦翁之詩故名與考亭同其久遠爲人  
勝也余鄉九曲實蘊秀麗有晉賢之遺風焉非若武夷無人

奉化縣志

卷三十七

古蹟

三

境也居士莫能知而天鼓象賢知之象既寫之爲圖而繫之  
以詩天鼓又俾余作文以記之入以境而勝境不以人勝乎今  
閱數日老眼爲之益明身雖萍梗於外此心則常在其中矣於  
是援筆而不敢辭不知吾鄉者視此圖不知吾人者視此文雖文  
章道德不敢與考亭齒然山川景物之盛則亦不在武夷之下也吾以州志質之

一曲六詔

寶慶志  
作陸照

有晉王右軍祠右軍隱於此六詔不起故名

山有硯石云右軍所遺也右軍宅在金庭其去六詔密邇故別業

在焉今廟在晚響嶺而六詔之廟另祀別神

四明山記參結琦  
亭集及剡源志

元陳基詩一曲溪頭內史家清泉白石映  
桃花當時堅卧非邀寵六詔還朝百世誇

陳子翬詩一曲溪從古剡分溪邊廟食晉  
將軍硯埋塵土鵝羣少六詔空山自白雲

明高啟詩欲知溪流長百轉來越嶠舟行安能極嵐路入  
斜照清景不足娛昔人豈辭詔石硯久誰磨空林閉遺廟

國朝全祖望辭有石硯兮碧于油湖典午兮蘭亭今世所欣豈知地  
世留寂寞兮荒村閉空靈兮廟門不轉吾觀右軍兮高才思

偏兮心遠洞天兮首選清泉試規謝萬兮辭殷浩料世事兮數  
用世兮不諧乃歸去兮蒿萊試規謝萬兮辭殷浩料世事兮數

計而燭兮照世莫知兮斯高蹈兮失詞遽誓墓兮雅素爲懷苟信兮然  
致自傷兮遲暮願分越州兮失詞遽誓墓兮雅素爲懷苟信兮然

何褊伎彼樂天兮知命于浮榮兮奚競誰為斯言兮自道聽愛  
清景兮蒼茫換白鵝兮成行謝鶴書兮何傷思斯人兮不可作  
擷谿毛兮薦飛瀑  
礪百世兮振污濁

二曲蹕駐 有吳越錢王祠五代時陳殿中隱於此吳越忠懿王

親往顧之故名案史忠懿即位之後未嘗東渡浙河豈其在出

鎮台州時邪惜殿中之名不傳 四明山志參  
結埼亭集

元陳基詩二曲山頭草木芳前王駐蹕有  
餘光故家喬木今無恙禮樂衣冠比鄭鄉

陳子翬詩二曲縈迴水合流錢王祠下碧  
悠悠乘閒試讀高僧傳始信長門出頌頭

明高啟詩殿中初未仕高節振衰謝讀書在茲邱蕭然竹  
間舍王來有深言留宿山水夜誰臨安王子翁獨枉將軍駕

國朝全祖望辭五朝昏亂兮七百年贈賢臨安王子翁獨枉將軍駕  
話兮祠宇駐蹕餘光兮七百年贈賢臨安王子翁獨枉將軍駕

飯紫芝刻中清風兮颯颯一洗腥塵兮雲護之殿中兮何人乃  
高卧兮絕塵旌兮泣止呼老鶴兮迎門我稽歐薛之舊史兮

歎闕佚姓氏無徵兮足太息高風兮天際江東巖岫兮生碧色  
暨嗣封兮踐阼諒徵車兮相望何不惠然兮佐我哲王山人老

師後賢谿流瀉碧玉蜿蜒出山麓山谿兩矐瞳遺音在空谷  
奉化縣志

奉化縣志

卷三十七 古蹟

四

三曲兩湖 有石壁小盤谷湖有大石離立不可名狀去石數百

步有潭甚清冽魚數百頭可數陳子翬嘗居此 至正續志參戴良  
剡源九曲圖記及

剡源志

元陳基詩三曲峻層亂石深儼如盤谷路  
嶽峯幙頭突兀波清淺箇箇魚兒戲柳陰

陳子翬詩三曲澄清作兩湖小盤谷下是  
吾廬石林蒼壁間來往竹素園中夜讀書

明高啟詩山折水暫開山開水仍往東陂匯初成秋色瀟  
然廣碧蘿花茸月映石壁上何時試沿河一理煙中舫

國朝全祖望辭二十里雲兮渺無際其南磴兮猶存山之折兮水  
以旋水既漸兮山復捫坑前石壁兮稜澗底游魚兮環峙山

口碧蘿兮離離將無盤谷之春至深兮淺兮隱兮見兮絳兮白  
靈吐納兮鼓秀澤如元都兮春至深兮淺兮隱兮見兮絳兮白

兮俄而碧兮謝公高蹈皮陸所同兮竺公據此神宮兮誰  
其嗣之亦有孤峯兮五色靈禽時傳好音兮竺公據此神宮兮誰

林兮老松插天遺愛可尋兮林深兮路杳  
地僻兮人稀買山兮有日舍此兮安歸

剡源志案曰全結埼以竺汝舟孤峯菴翰林松俱屬三曲均

誤

四曲白溪 有淨慈禪寺上為蓮葉峯

至正續志 參剡源志

元陳基詩四曲窪然為白坑岡巒逾秀水

逾清雲深蓮葉峯頭寺下界時聞鐘磬聲

蓮子翬詩四曲溪邊古梵宮慈雲閣上九

明高啟詩密篠覆磻石穴黝而深居人負薪歸駐聽風

水音回看蓮花峯靄靄生夕陰不有僧鐘來高路誰能尋

國朝全祖望辭蓮峯高百尺白谿深百里榆林居其中是為石穴

藏神髓窪然其深聳然其秀南來二晦落吾襟袖忽鐘聲兮雲

外震羣聾兮元文伯兮誰為仁王兮膜拜撫遺碣兮志槩山前高閣

兮穹隆有元文伯兮誰為仁王兮膜拜撫遺碣兮志槩山前高閣

惜哉斯人兮執德不固出山之泉兮失故步不如二子兮保茲

貞素五百年來兮商榷瓣香非敢刻責兮大義皇皇所關在風

徒教兮不徒文章

案黃黎洲四明山志以白坑為戴表元故里其自序買榆林

之地而廬焉即此蓋誤認白溪為榆林全謝山遂沿其誤并

謂舒閬風劉正仲亦流寓於此不知二公流寓正在榆林非

白溪也

奉化縣志

卷三十七 古蹟

五 五曲三石 有丹山洞天永固寺即丹山赤水洞天也曹放齋居

焉放齋師李莊簡公即為其壻莊簡師元城以接涑水之薪傳大

儒弓冶所在而為道家所攫未幾而為永固寺三教流傳日失其

正宗矣舊有祠以祀放齋因及其孫之殉節楚州者 案殉節楚州者為放齋

之孫孝先結崎亭集作子誤今更正而附以泰宇居士今皆無矣是乃九曲中第一

事烏可以不復也 至正續志參鮎崎亭集

元陳基詩五曲鮎鮎三石溪雲深結屋可

幽棲羽人輕舉今何在空有丹霞古字題

陳子翬詩五曲盤桓小洞天乾坤清氣間

生賢蛟龍尚有風雲會突兀丹霞鎖暮煙

明高啟詩石洞篝火入室敷牀居白雲開層巔上有丹

霞書神仙不遠人但使粗穢除何必瀛洲外茫茫問鸞車

國朝全祖望辭危石兮參三陰洞兮兼兩赤文兮古篆摩厓兮百

丈作者將無王次仲抑或飛來蔡少霞巖間流水如龍吼紅雲

負怒成天葩懸知金庭本一氣伏流往含丹砂風洞兮驚鷗

如大隊兮遊遨南箕哆兮酷暑消何人好事兮深入驚鷗

殷兮水窟神揚鬢兮使唐突是為洞天之中宮兮故瑰奇之

愈萃愛一塵之不到兮使我留連而心醉伊放齋之投老兮自

蛟海而來遷聞說經之鏗鏗兮較出于讀易老人之幾先楚州之啼鵲來歸兮重之以泰宇之野哭今皆消歸鳥有兮何以重甲彼喬木山光寂寞而蕭寥但見永固之老僧羌鬱鬱其誰訴兮聞魚鼓兮屏營

剡源志案曰金庭水出嵯縣卽有伏流斷無越五六十里崇

山峻嶺倒流而出三石之理

六曲茅渚 有上乘寺唐末陳某案剡源志自長安使吳越遭

亂不能還錢氏留爲奉化尉遂居其地寺今廢陳氏後遷三石正至

續志參四明山志剡源志

元陳基詩六曲斑溪好隱居昔人卜築有茅廬至今蘭若諸天外金龕琳瑯炳梵書

陳子翬詩六曲溪潭遠茂林梵宮簇簇樹森森已公茅屋今無恙何日烹茶月下吟

明高啟詩危梁度清瀨逶迤入前渚犬吠樹蒙籠煙景暗墟聚雨中耕叟歌月下歸人語欲尋仙尉蹤淒涼一茅宇

國朝全祖望辭更逶迤以前去兮度石梁曰茅渚淡蕩兮林煙蒙籠兮邑聚牧人語兮弄月耕叟歸兮喜雨有犬吠兮如豹和深

林兮鳥語訪仙尉之文孫兮數華胄兮蟬連吾攷古而無徵兮姑志疑於閑中之編見閑中今古錄愛本堂兮碩學慈湖

奉化縣志

卷三十七

古蹟

六

之私淑有傳攜梅磻之文孫兮謂天台胡世佐梅磻孫累朝之統紀是延何必遙遙甲第兮隆國茅土成靈言爲此世系者學士樞之所造也今其後人居白下日色暝兮誰家宿看嵐影兮逐逐

案茅渚未嘗有石梁陳棠之子孫遷居三石是本堂先生之

事蹟當入三石不當入茅渚至三尚書之非捏造其詳見本

堂年譜

七曲斑溪 有報本寺舊志自寺而外一切故蹟未見案本堂集

則斑溪故家爲董氏有隱居董聲仲者其祖手植檜甚古聲仲築

延清堂以表之足以補諸公之遺至正續志參結埼亭集

元戴表元詩我愛斑溪斑斑爲誰好於時九秋晚霜葉紅不掃石搖未歸雲水映欲衰草累累牛羊隊灑灑魚龍道崇邛尙

多菜殘村幾經潦故物一若斯今我胡不老過從幸相狎聊坐暢懷抱

陳基詩七曲灣灣六曲通峯頭金刹隱重爲尋高隩雪深處結衡茅學種松

陳子翬詩七曲斑斑溪水流石門榆社更清幽至今雪月交光夜只欠當年訪戴舟

明高啟詩清溪泛悠悠東與斑溪合菱葉間荷花風來秋  
颯颯久行愁寂寞忽有人煙雜我欲發權謳漁郎冑相答  
國朝全祖望辭剡溪兮繹朝歸潮兮夕歸碧荷源兮左溪幾分  
支兮不隔更有斑溪兮東來偕一泓兮澄碧荷花開兮如雲菱  
花開兮如織漁郎四發其權歌兮留擔簦之行客試聽玉雪之  
琤琮兮其聲中于無射巋然靈光兮擬之寶桂與韓桐古檜以  
延清兮豈以名位相長雄佛火相與輝映兮惟正思之梵宮  
彼土膏兮甚沃鍾物產兮最良鴨腳之芹嫩綠兮和燕尾之筍  
以爲糧蓋十倍於蓴菰兮高人津津其飽  
啖彼鼎肉兮何足戀老江鄉兮真不厭

剡源志案曰左溪之水合西晦水經嵩溪至徐家步頭方與  
斑溪之水會全氏援引未當且斑溪亦未嘗有潮汐也

八曲高隄 在雪竇山下

四明山志

剡源志案曰至正續志牽引雪竇太遠

元陳基詩八曲東流水入鄞茫茫滄海浩  
無津雲收雪竇高千仞湧出扶桑日一輪

陳子翬詩八曲瀦爲法喜溪懶堂遺墨在  
招提乳峯瀑布飛千丈何日登臨策杖藜

明高啟詩俗駕不可到有地隄中小回別澗通宛宛連  
岡繞人家林谷暗不見旭光繞東作起吹藜惟應候啼鳥

### 奉化縣志

### 卷三十七

古蹟

七

國朝全祖望辭臺在峯亭在突誰駕風車運茲飛雪橫素練兮漢  
津舞機絲兮夜月乳峯潺湲兮如膏珠林崩騰兮不輟莫尚書  
兮眞解人開錦鏡兮清冽下潭兮更幽上竇兮雙絕昭陵夢游  
而戾止兮思陵賜研以增光穆陵之御墨游加兮山齋至今有  
寒芒怪羣峯之兀兀兮爭拱立而來王誰爲郢書與燕說兮謂  
常通之可疑豈以遺世之靈府兮非類得以妄棲爰循磴而下  
兮訪宋仙之丹竈以少休谿泉  
汨汨以齊鳴兮迎玉螭以同流

剡源志案曰妙高峯瀑布下隱潭近小晦錦鏡池上雪竇昭

陵夢游思陵賜研穆陵御墨常通和尚宋仙丹竈俱雪竇古

蹟與剡源無涉

九曲公棠 與晦溪水合入於泉口注於江山

四明山志

公棠係公塘之

誤舊名高公塘有公塘巡檢

寶慶志

元陳基詩九曲棠梨歲作花興公手植信  
堪誇欲知此日誰爲主隆國諸孫太史家

陳子翬詩九曲迢迢雲水長興公曾此植  
甘棠雪溪高土今何在文靖山林邱墓荒

明高啟詩入江水稍決霜降未可涉頗聞往來人出門卽  
舟楫前飛鷺鷺遠下飲垂猿捷何處問興公風吹赤棠葉

國朝全祖望辭賢者之所過必爭兮孫郎遺澤何久而文易譌兮杜  
之互混兮一事而二山各誇其蔽芾坐失孫郎今不則右軍之  
鄰比良堪愛更徘徊而四眺兮有廣平之故阡嶽麓之薪火可想  
溯兮槐堂之流派未乾歷今世豈有斯人兮固宜榆林之緬想  
其淵源晦溪兮來同泉溪兮伊邇洞天之靈笑人兮游錄豈可  
以嘿而已聊揚厲兮舊  
聞山猿溪鳥諒不鄙

又剡源九曲辭跋剡源山水奇矣然其絕勝不可屈指非止九  
曲也其要會一在小盤谷榆林之交謝遺塵所云雲南也一在  
雪竇謝所云雲北也故國初士大夫謀避地者皆在二所予意  
欲增置諸祠宇以與宋元諸古蹟相輝映苟有好事者必不以  
予言為妄也一曰小萬竹山居故少參羅公夢章避地處也少  
參蜀人司李吾鄉實佐錢忠介公起兵亂定蜀道尚梗無地可  
歸遂居山中少參雖解官于士大夫往來山中者力猶能緩急  
之宜即其山房為祠而配以故鄞令袁公州佐以其衛東錢湖  
禪之地也一曰樞樹灣草瓢以故順德令貞靖周公齊曾其逃  
宜合食于祠一日蓮峯茅菴以祠故觀節介陸公宇燼其募  
兵處也舒廣平之後人曰舒坤翁字方叔居方叔不死者心  
太常嘗為作傳死于山中節介挽之詩曰配節介一曰高隩聽瀑  
死者身有魂趨東海翩然朝故君宜以配節介一曰高隩聽瀑  
草堂故廣文張公廷賓逃禪處也同心者曰邵公得魯詳見予  
姚江三哀詩二公皆姚產宜合食其餘尚多有之而予數年以

奉化縣志

卷三十七

古蹟

八

來病廢昏忘不能詳矣然苟舉此四祠者其餘可例推也四祠  
三在雲南一在雲北其無曰山川自佳何作此點鬼簿者為  
又公棠辨刻源有九曲而公棠為殿說二者以爲孫興公來山  
嘗植棠因以得名姚江黃先生疑之曰二百八十峯以興公得  
名者為黎洲爾雅赤棠為黎則有黎不復有棠是因一事而  
附會之於兩地也予考之實慶四明志本公塘蓋九曲之水  
會於晦溪而置堰於公塘未成堰之前先有公塘以瀦水故呼之  
曰公塘乾道四明志述於公塘置寨防盜則在當時為要地不  
說開慶四明志吳制使於公塘始於至正四明志蓋好源者為  
應并其名而有誤也以塘為棠始於至正四明志蓋好源者為  
之姚江但疑其雷同而未審其訛轉之自耳予初作刻源九曲  
辭亦循傳聞之說貽誤藝苑山靈有知當為齒冷因是正之以  
補失言之羞

案九曲事蹟不能概以一朝因數名勝者必九曲並稱故類  
附之

唐

杜中丞宅 縣北二十五里中丞名勝先東陽人唐長慶間為御

史中丞卜居縣之招賢墟即今杜畷

志 歷

謝遺塵隱居 縣西南四十里大雷山延祐志

案剡源集清茂軒記謂剡源有兩大雷東西相望皆有石門而在東之門適去吾家不遠私以為謝公之居庶其在是黃梨洲以為非今姑從延祐志存之

孫拾遺宅 縣東北五里廢為淨慧寺歷志 乾隆志 慧作惠今寺亦廢

國朝孫事倫淨慧寺詩拾遺風節最嶙峋淨慧孤芳孰與鄰故識春秋無賢者安能吳越有斯人瑞峯雲重時尋藥古埭流清坐挽綸唐史不知高格在忍令千載悵沈淪

宋

舍墟村 縣東十里三都押司錄事譙國樓承皓故宅世稱舍墟

村裏詩書澤畫錦坊中柱石家歷志

趙王府 縣東一里宋為宗室建元改為三皇廟明為布政司今

廢康乾志

奉化縣志 卷三十七古蹟 九

處士宅 黃賢村處士林逋所居後隱杭之西湖浙志

國朝吳文江黃賢訪林和靖先生故第詩山迴路曲白雲深書院依然額上林不是先生故居處將歸歸處更何尋 遺稿原無封禪書真儒真識有誰如自從湖上尋梅鶴久使山中曠舊居

隱士竺汝舟宅 縣西六十里桃花坑昔太白禪師納交孤竹君

之裔飛錫於此擇其地居之留偈云昔是神仙窟今為長者居定須攀月桂宜教子孫書後趙伯圭來守此邦因太白訪其後得汝舟覽山川之勝歎先賢之裔嘉獎形諸尺牘沈端憲誌其事寶慶志

蔣光祿宅 縣北十里三嶺金紫光祿大夫蔣浚明故居歷志

樓正議宅 縣東一里今廢為告成寺或云樓氏世居舍墟村後

遷於鄞康乾志

元祐鄉先生別墅 縣北長壽鄉王奕寓廬康乾志 參城內衙後王譜

開國伯第 縣北東五里仇愈所居里人即其旁立善塘廟康乾志

曹朝請宅 剡源五曲三石曹盅所居樓攻媿曰卜築奉川一區

雅潔剡源志

萬竹先生廬 縣西南六十里小萬竹寓公鄞高元之所居康乾志

舒文靖公宅 縣東五里廣平里康乾志

御書亭 在雪竇藏理宗所書應夢名山四大字歷志參四明山志

明樓則中詩誰向名山為構亭夢中遊幸宋昭陵千年宸翰題金榜五夜奎光映玉繩橫錫此時成獨往杖藜何日許同登蛟

龍擁護雲飛動還憶丹墀龍渥承

張邦奇詩雪山本奇勝不減諸名岳迺僻東海隅千載成濩落帝夢昭神靈宸章表邱壑雖非鈞天游殊勝巫山樂

節慶堂 紹定間馬武錄字國勳由賢材舉授婺州學諭方任而

卒妻陳氏守節訓孤曰元淇業儒不就祿薦奉母至孝當時母子

得以節孝稱楮祥符縣尉校梓俱太學生曾玄二十四人壽踰百

歲儒學副提舉陳旅以事聞於朝旌異其門額堂為節慶學士趙

奉化縣志 卷三十七古蹟 十

汝淇撰記乾隆志

聽泉亭 在雪竇四明山志

宋王安石詩逗石穿雲落澗隈無風自到枕邊來十年客邸黃梁夢一夜水聲卻喚回

龍津館 朱文公提舉浙東常平循行台溫郡泊舟龍津長吏率

諸生講學之所歷志

案任士林重建文公書院記謂文公泊舟龍津長吏率諸生

請講書於學宮據樓鑰重建縣學記是時學宮在縣治東南

嘉定間縣令馮多福建龍津館見名宦傳 或在其地故後人遂謂

文公講學於龍津紹定元年館為大水所陷陳觀資福廟記 是後興

廢不得而詳矣

觀海樓 縣南鮎埼鎮

明宋琰詩厭將雙屐蹕紅塵百尺危樓跨屋門目縱洪濤心自洗醉來豪氣渴能吞舟帆去住渾無地魚鳥浮沈或有痕盡日

倚欄看不足一  
鉤簾捲月黃昏

秉花堂 縣北二十里江口李元白所居元白夢其曾祖珂以手

秉花一枝示之曰汝幸留心訓弟姪俾爾後宦達自花始故以秉

### 花名其堂

明史道祖記署李氏秉花堂著其名非一日也謹案其傳家錄云有秉義公者出唐宗室裔自閩而來早孤卓然自立持心務平恕樂易好濟急如出私廩減直裕艱民梁三江之流濟病涉關義塾教養子姓族人及鄉之俊秀汲汲期有成若飢渴然無親疏間故公之心可與天地合子修武君忠義負幹才當建炎初金寇犯明集鄉社勇敢士奮捍境邑所存活者不知其幾兵退且傾貲勞眾無自伐意至國子博士元白受文靖舒廣平先生詩經之懿歸以淑諸人如安東山劉黃西軒應春有聲輩咸出其門焉博士一夕夢秉義以手秉花一枝而示之曰汝幸留心訓弟姪俾爾後宦達自花始後凡夢得其花者登奉常如以制等八人登別科如過庭等十二人貢於鄉於漕於監者如明新等二十三人濟衣冠一門盛事秉花之徵如取如攜故以秉花名其堂世傳東浙詩經一派莫盛於明之三李氏鄉人猶敬歎之八世孫珍一日謂林永史道祖曰傳經之堂揭秘監法胡提學世佐蓋嘗記之矣獨云秉花者幾三百餘年惜未

### 奉化縣志

### 卷三十七

古蹟

十一

文忠公嘗著王氏三槐堂銘謂取必於天之報施者德也今秉花云云者其亦在乎德也明矣天相厥德有徵於夢天感於人而人應之入感於天而天應之夢之徵花之徵人之徵德之徵也故其子孫沐浴德澤顯於世世非故家喬木之謂也於是乎

案曰嘉靖志改秉花為秉華康乾志竟訛作筆華殆因花華

義通秉筆形近遂附會於夢筆生花故實而未究其命名之

緣起耳互詳祠廟三江祠

王怡齋宅 縣東二里東市王宗道所居今名雙桂坊 康乾志

王甲第宅 縣南五十里王漢英所居有甲魁坊 康乾志

舒忠節宅 縣東五里集賢坊舒瀛所居 康乾志

傳經堂 江口李汲建

明劉中傳經堂銘三江李氏父子兄弟相繼以詩經名於時傳十有餘世師友淵委其來甚遠此傳經所由也作堂而名之者其七世孫汲請記其事於揭祕書胡提學者八世孫寓今復問銘於臨安劉中者則九世孫顯銘曰維詩之教王化所先六

德爲本五經具焉在昔顓門訓誥授曾不一載罔繼其後三  
江之李奕葉相承一門十世咸以詩稱用掇巍科用躋臚仕克  
光先人貽厥孫子高堂翼翼孫子所作興觀羣怨厥猷孔鑠紹  
庭上下日監於茲尙嗣來者以繹以思何以繹之毋疑訓詁何  
以思之繩其祖武一言可蔽曰  
思無邪保明爾身永世厥家  
陸景龍傳經堂詩大哉吾道參天地載諸六經傳萬世譬如日  
月光無私人紀民彝所攸係秦灰未冷國已亡孔壁科斗騰神  
光炎劉赫興撥煨燼諸儒輩出爭頡頏不容掩功罪由唐而宋文  
入室分次第各宗師說倍聖經純疵不刪後風靈赫赫開盲聾紫  
運隆濂洛道統傳羣公闡明大義發奧旨風靈赫赫開盲聾紫  
陽夫子悟心學深病漢儒多舛錯尤於刪後風靈赫赫開盲聾紫  
意沈着東萊呂氏解說詩頗疑小序反費辭輔廣衍爲童子問  
羽翼朱傳猶庶幾設科取士尙經術南渡以來非一日正葩獨  
數江口李朱蔡師生分派的禮部秘書一傳正科別魁名蟬  
聯於鄉於漕又於監秉花佳識誇多賢六世聞孫早聰慧傳經  
有圖纂先緒王安黃杜皆名流前後相承文不墜有源尊經尙  
程朱一洗固陋芟蕪李氏家學精且明文不偶時志不渝桑  
田滄海時政改高堂巋然今獨在光溪有此文獻家玉樹芝蘭  
好風采窮經愧我髮已蒼游歌何幸登斯堂論文況遇朱貢士  
子衿夜發青藜光於乎黃金易銷經不朽李氏諸  
郎汝知否傳經重傳經天相斯文昌厥後

案詩中光溪二字牽涉鄞境詩人之稱地望往往從其著者

奉化縣志

卷三十七 古蹟

無可疑也

喜還堂 三石陳德剛居此取坡詩猿鶴喜君還句中語以爲名

本堂集

國朝邑令令狐達銘秘監之宅三石之濱一家三世爲宋名臣詩  
傳道味節顯搢紳高文上壽勇退潛身剡源一脈手澤干春喜  
還示志樂性傳眞佑啟奕葉堂  
搆長新教忠勸孝用助敦倫

著書塢 在西晦溪村上數百步山梁岑寂松竹蕭森昔單庚金

關一室棲息以著書故名

剡源志

宋陳著詩晦溪泉石好白首性情閒月皎梅當戶風鳴虎  
守關新書滿几上古字列牀間午坐同清供悠然共解顏

本堂 在喜還堂之後陳本堂居此黃震爲之記本堂所居又有

清高堂佳山堂碧梧軒

戴表元壽陳太博詩有君  
家碧梧軒蓮荷泛芳沚句

詠歸軒品山亭

剡源志

癸未生日自書於本堂詩與雲俱卷十年強百短難醫獨命長  
自有青天看晚節不將白髮換時妝田園活計雨聲好湖海醒

心山氣香得一日閒勝  
一歲老來勉得別思量

又梅山弟來同飲醉書本堂詩誰將糟粕視詩書兄弟何妨做  
拙儒流水青山同醉處清風明月幾歸途樵歌相與為吟友草

市誰教見瑞夫宇宙如今  
惟舒游太和樓下渺煙蕪

宋舒游遊佳山堂詩不及懸車便引年草堂已築擬平泉牆邊  
放竹皆遮面山脚栽松已過巔秘閣久留民望繫青門惜別主

恩偏歸來林鶴休嫌晚數上封章未許還亭前夕樹綠陰涼  
九月晴煙未著霜風過猶翻雙蛺蝶花開似一林塘詩篇老

喜題樊里絲竹閒攜過午莊正是東籬黃菊好還勞送酒過柴  
桑題小山結搆互爭奇直接雲門第一支洞口嘘嵐山桂隱軒

前落石海須三島問安期留侯誤一身石寄幽情兩部迷邱壑眼  
吾意足何須三島問安期留侯誤一身石寄幽情兩部迷邱壑眼

清水暖芝荷魚潑潑月高桐柏鳥嚶嚶太長元老林泉貴  
小有神仙步履輕日上三竿眠正穩不驚長樂夜鐘鳴

陳著詠歸軒詩入林苦不密入山苦不深以茲營別墅傍水復  
依林捲歸軒羣峯逼開門綠樹侵芳郊挾童冠步步幽煙霞

敷錦續百卉鬪珍樵歌白雲上眾鳥懷好音芙蓉挺朱萼澄  
潭鋪翠陰耳目不暇擇異狀是賞心歸來訪窈窕拂石聽鳴琴

舒夢在欽月下  
單庚金詠歸軒深夜坐詩客秋信更牆臨松竹空堂暗燈照人家

楊未眠堪聽雨深山有鳥亦知更黃花落今歲經過蟋蟀鳴短

奉化縣志

卷三十七

古蹟

十三

夜語清門外細流雖斷  
續夢回雙耳只溪聲

陳著品山亭詩園林莫麓宛轉切溪濱虛亭抗其腹詭異畢  
前陳羣峯莽回互窈窕結芳鄰如屏復如障為蓋或為茵甲仗

左右列旗鼓亦續紛徵一奇不下其珍遜迹豈逃晉離羣非避秦  
容無故新竭來舒眺矚一奇不下其珍遜迹豈逃晉離羣非避秦

物外所得適  
聊以全吾真

吳山草堂

陳觀所居有閒樂園聚奇樓

剡源

宋單庚金過吳山草堂詩草堂臨絕巘卜築此幽棲竹徑過  
暗藤軒落月低鵲巢敲古木僧磬隔前溪問字攜尊酒頻過路

不迷閣愛爾畫長眠巖花繞屋妍松陰曬好鳥石罅引新  
泉東閣迎朝氣西林坐夜禪從他反招隱抱膝自幽然

陳觀閒樂園詩廿年無祿一閒身卜築深源絕四鄰屋外桃蹊  
劉阮路門前煙渚許由津溪山處堪為主麋鹿時時不避人

自是頑樗非世用  
敢言盛代有遺民

元陳子翬春盡同諸友攜尊聚奇樓詩剡源新水碧生波有約  
扁舟挈榼過一路鶯花春事足幾家門巷柳陰多晴看野色

煙靄閒有詩盟寄薛蘿所喜良朋初返旆招尋佳會補蹉跎  
曲曲春流自遠村炊煙乍起望衡門林間字隱樓千尺花外人

來酒一尊山徑歸雲喧芳草初柔鳥斜語聞正雞豚暖風初拂溪  
渚時有漁舟破水痕

奇許造高人席讀賦來依傑閣雲此日忘年推北海一  
時求友及陳羣匡牀若假終宵宿秉燭裁詩到夜分

梅山 陳萑築集本堂

陳著梅山記畧梅山陳萑楚秀自號也北山之陽有阿焉土密  
水疏築屋三間植梅數株凡卉木映帶左右而山為梅所擅故  
山曰梅

元

質野堂 榆林戴剡源之居自為記

記曰剡源先生幼而羈居長而浪游老而羈棲獨常以為異  
時儻得餘閒營一區之宅於山林間則將名之曰質野以遂吾  
志自為斯言憧憧然往來於心者五十年而不能成也蓋方其  
盛時川浮驚流陸走峻坂鯨鯢滿前狼虺怖後竊自思吾惟學  
文干祿以至危於道路使但為尋常阻見所過窮村鄙人籬垣  
哉及失勢而奔逃扶攜老弱經涉險阻所過窮村鄙人籬垣  
潔修雞犬饒於是未嘗不起卜鄰結社而眼前子息各以長大  
冬歸自上饒於是未嘗不起卜鄰結社而眼前子息各以長大  
平生婚嫁漸就清簡囊中裝舟車薪米傭賃雜費之餘尚留  
三千緡以為陸賈分金則不足以為蕭何買田則難多且專議  
興築伐材於近岡聚土於後麓役以券而使之自食煩鄰於  
暇而量予之直不三月質野堂成以次充安閣岩嶢亭縮軒雪

奉化縣志

卷三十七

古蹟

十四

鏡諸役仍舊名而增新構前後左右凡一百三十六楹溪山面  
勢煙雲情貌無不訴合桑蔬徑術禾麥行伍無不周密客有在  
旁歎曰先生之子志則少遂矣抑欲以質野自晦而未忘於世  
何居先生曰子不觀於山川草木蟲魚之為物乎物之居於世  
未有無名之者也草木蟲魚之可資於用也黃帝名之山川之著  
也禹名之惟羽毛有識之屬能以資於用也黃帝名之山川之著  
其名而名之以余之區區持衰窮之身託於山川羣於草木蟲  
魚羽毛之屬以居之區區持衰窮之身託於山川羣於草木蟲  
也晚暮幸得成之而復自名之何不可樂而復何譏乎客聞而  
愈笑先生亦笑因復自名之何不可樂而復何譏乎客聞而  
蔣宗簡詩斯人已去真可惜我走荒山訪遺跡惟餘插架三萬  
卷塵網蛛窠暗銅鞮是時日落西風來九原不作為人哀急呼  
斗酒澆磊塊胸腸是時日落西風來九原不作為人哀急呼  
往往萬事成糞土我輩何為淚如雨  
明汪綸榆林戴帥初先生故居詩連岡東下石門幽柳陰  
澗水流羣鹿每依芳草卧白雲長傍翠巖浮剡源夫子何在  
天水王孫不復游莫向儒林  
問消息空山嘯鳥不勝愁

充安閣 在質野堂中

剡源集

戴表元記剡源翁居不能二十楹界其中之後垂蔽之以為閣  
冬舒其簾夏達其牖温涼晦明時闔關之以趨便焉人皆不堪  
其隘且勞而翁居之彌安家無浹辰之儲兼金之直而有書一  
車悉取而陳諸閣之四旁坐閱而卧諷之左右縱橫充然無不

滿之處因命之曰充安嘗其人而希其言元公乎然雖名之以道充為  
富身安為貴我敢笑曰吾所以疑於元公之實將如之何是故  
疑之一日忽悟而笑曰夫余也固剡山之囊人而乘車者先俯然下  
美物而不敢居哉夫余一也固剡山之囊人而乘車者先俯然下  
余也有仕無學也夫余一也固剡山之囊人而乘車者先俯然下  
乘車者相與羨之他日逢大官於途則其乘車者先俯然下  
豈不以其尤巍巍哉等第而充之則其乘車者先俯然下  
道學之士非而士笑其為高者曰彼自為若何存於口而  
有遺世忘物之笑其為高者曰彼自為若何存於口而  
非訕兒之為珍其餅餌不嚙亦睡也然余今力而為之何所失  
見嬰兒之為珍其餅餌不嚙亦睡也然余今力而為之何所失  
於余乎余行四方而不知田疇稼穡也然余今力而為之何所失  
骸已疲不可勉強顧吾居之左右前後無非農者而余安得獨  
辭其勞呻吟俱化儂至一年而知其候二年前而通其業三年而  
燥溼欲與之俱化儂至一年而知其候二年前而通其業三年而  
而披之見古之高士如鴟夷子皮張子休乎充安意挾一冊  
之中晚暮脫乎不測之險遺其千金相印幾無所適欲如余之  
徜徉鄉井棲伏原圃然為無名布衣而不可得也見申屠蟠  
司馬德操輩遯於喪亂全於貧約若可以無預人事而身居名  
賢不及其風采為四方人士之所走集欲如余之交疏黨棄指  
議不及其眉縱足於是非臧否之外而不可得也見申屠蟠  
王仲淹相起吠畝而騰自容而何容著書以取名於時見諸葛公  
房喬丞相起吠畝而騰自容而何容著書以取名於時見諸葛公

奉化縣志

卷三十七

古蹟

十五

岩堯亭

縮軒 俱在質野堂中

剡源集

戴表元縮軒賦戴子抑將以為縮軒於剡居之西有客過之晒然而  
歎曰戴子將隱乎抑將以為縮軒於剡居之西有客過之晒然而  
子曰不然吾三十年行乎功名之途而涉於非林姻及今年  
漸衰而始休業無成而多悔進不能尊七暑而一葛支隙巢而  
祚退不能資其勤而無施荒乎內怵惕而莫之知支隙巢而  
九糜皇皇乎徒勤而無施荒乎內怵惕而莫之知支隙巢而  
以鼠伏聊憇德而逃墟蓋不觀於南山之熊魚乎暇  
於隱何以為德哉客曰子不觀於南山之熊魚乎暇  
南山之熊使人知其勇也然而未嘗狎於郊豈不知夫魚獲為  
飽於麓如使日日而見之則人得以輕其勇矣東海之鯨魚其

怒也能覆千斛之舟習於海者未嘗遇而覆其舟也今夫能言  
之士聽先生之說以遊於千萬人之都與操安而遜危其事良  
通八達之一不當意而無尺寸之地以居其躬子不匿避之而欲  
苦矣有一不揭乎必趨之衝此豈徒無得而已殆難知其終  
以常盛之名少願者歸而飾美者勞而返素火以晦傳燼歷以退  
故曰寡煨者老而歸根飾美者勞而返素火以晦傳燼歷以退  
且夫華燬者老而歸根飾美者勞而返素火以晦傳燼歷以退  
合度子母以昔之揭而病今之齷齪安知非子德之將就而  
樂其夸也官雖薄猶賢於無名居雖隘猶愈於無家三遇兵而  
不死一謀歸而就成心懷貞士之操身漏間民之征一以子爲  
傭胥亦或以爲夫一以子爲曲項擊拳累足以求伸者甯得如  
無譽無譏人不得以緇子之銜無勢無辱天不得以制子之桎  
子於此猶不足顧今之側肩曲項擊拳累足以求伸者甯得如  
子之縮乎察子之介介誠有所缺然子且自視孰與古之黔婁  
萊蕪賢黔婁賢而死不衾萊蕪賢而生無炊子敢望豐衣給食  
乎哉姑務縮而圖之縮於資者康縮於力者強縮於名者隘夫曲  
於德者百世不忘故今君子之軒嘉子之誼將聞其言隘夫曲  
士之節而蕩摩於大賢君子之事於子何如戴子聞其言隘夫曲  
蹙然若無所容既而渙然以怡矣久而  
恢然於中忘其居之約而身之窮也

晉菴

質野堂西偏小室

剡源志

戴表元詩晉語養氣海齋食養脾土齋慮養心神齋勞養筋膂  
衰年百事祛寄息此環堵危如突圍將鈍似滯風賈顛仆冀賒

奉化縣志

卷三十七

古蹟

十六

延空羸待償補夸虛道蠹賊逞獲  
命斤斧收君詵癡符佩我養生主

剡源志案曰陳本堂剡源集及陳沆剡源九曲圖記載曾伯  
所居塙在榆林嘉靖志康乾志黃梨洲四明山志謂在柏坑  
者俱誤又鄞志古蹟門寒松齋詩稿戴進士故宅在南雷山  
下土人尚稱爲剡源夫子此南雷山卽指石門之大雷山鄞  
人誤認南雷山爲大蘭山并其剡源之鄉名而不之識可怪  
也

松鄉先生宅

縣南五十里鮎埼任士林所居

康乾志

昉軒

蕭子西所居

剡源集

戴表元昉軒銘并序曰初明爲昉日之明無時而不有也而旦  
也人始見之人心之明人惟不見其用則見於威儀辭令政  
事而人始爲之瞻仰歎詠故觀人者不可不見其明而期人  
於闇自觀者亦不可以爲藏修之室而請文於余乃爲之銘曰羣  
動夜息人方安眠我視闇室燭龍在淵亦旣旦至東方載明乃

見旭日心虛自清昔晦非沒今明非出動謹作爲光虛靈其質外  
物之來日千萬趨欲薄蝕紛華陰霧敬保毓勤勞運爲上  
天之載我惟新之人言中歲如  
日將晏蕭子勉旃常如始旦

自齋 董村竺稷讀書處

集本堂

陳著自齋說自齋竺氏子稷讀書之小室也吾爲名之而告以  
其義自之義大矣曰自昭曰自師曰自成曰自俯而思由心以  
訓惟此爲至切以名其齋仰而觀由外物不能遷澄其本而未  
復性習察之精沈潛之久主於中而仁義禮智我固有之矣士  
流不能溷則知萬物之理反身皆備乎哉然我自有所謂  
希賢自棄自聖自天皆由此始齋云乎哉我自有所謂  
自暴自棄自不知自爲何物佛之空老之虛楊氏之爲我自有所謂  
意所可恐不知自爲何物佛之空老之虛楊氏之爲我自有所謂  
庸曰博學之審問之慎思之明辨之道性惡之差人而己百之  
人可以得之己千之果能此道矣後雖愚以自明雖柔必強吁  
辭使假以自銜焉則非矣世之人駕虛翼僞妄自標榜以要人  
之稱道甚而吾徒所磨者亦皆有之良可歎已昔者諸賢或取  
諸鄉里或取諸所居面勢或取諸學所志後進尊而師之舉  
以代不敢名之然豈諸賢意哉吁知此則可以得吾之所謂  
自己丑  
閏月

奉化縣志

卷三十七 古蹟

十七

清茂軒 在大雷山毛震卿所居

案乾隆志作毛雲  
鄉今從剡源集

戴表元記剡源在雲山與四明洞天相爲犬牙異時避世棲  
之士蓋多有之而故家荒蕪遺牒散落余嘗恨之久矣獨所謂  
大雷山者嘗爲唐賢謝遺塵所居其名著於騷人墨客之賦詠  
蹤跡宜可考見然剡源有兩大雷東西相望百里皆在高山之  
中門鐵壁平立湍流貫之因而謂之門而在東之門適去吾家  
不遠余既來爲農時狹不賤往來其間傍有龍祠樹蔭密  
老禱謁水旱頗愛其土不枯山窮不悍雲泉蔽深竹樹翁密  
私以爲謝公之居庶其在此訪歷其聲出林莽嘻乎異哉有毛  
展圃青簷聖垣斷續隱見謳歌之聲忽出林莽嘻乎異哉有毛  
氏子震卿秀整而業文其廬獨當溪山偃薄之名蓋毛氏自高  
曾以來世稱寬厚長者至乃父始以詞賦薦名於鄉而上諸天  
官於是招延賓客儲蓄異書關一室於燕居之左名之曰清茂  
余每過之酌泉而歌席陰而坐爲之徘徊忘去殆不獨以其居  
也嘗即軒中所見問之可以至海有不失今之爲清者乎夫泉  
之水清矣泄而達之可以至海有不失今之爲清者乎夫泉  
至百十里而止者乎林之茂矣望之蔚然可悅追而致其  
材有中爲九筵之室乎亦有取而爲雞豚之栅狙之棧者  
乎是以不可得而知也今吾子之居於此幸而無四方之事力  
農以美藏量材而慎出吾子之餐必勞而後食一武之地必視  
而後蹈吾見祖父得隱於農耕而子孫資之先善抑鬱於隴  
既爲達人而子孫得返於農耕而子孫資之先善抑鬱於隴

畝之問百年蓄之故一日發舒而求遣之不以爲暴及其貴盛服飾不可  
華輿御美倩恥於素所僻陋而求遣之不以爲暴及其貴盛服飾不可  
復收勢無足怪祿之外而余亦倦遊駿尋老矣其獲免於前之靜云  
有者哉震卿聞之灑然而喻曰幸甚  
然必書之以警來者遂書以爲記甚

### 留耕堂

舒岳祥記鄞之南邑有山曰連山則山之綿亘聯絡可想也連  
之塢名大萬竹則竹之陰森深密可知也漢鎮亭居是地是以  
山其地也大萬者鉅萬也猶萬亦漢遺風宋承平時有隱君子  
得是名也至今民俗淳厚猶有漢遺風宋承平時有隱君子  
王肖翁居之於所居之西偏開軒鑿池環之以水扁曰肖華胥  
因以自號暇日於所居之中領客觴詠翛然自得袍褐往來魚鳥  
同趣子弟娛侍未嘗不以前言往行爲訓至唐賀水部有但存  
方寸地留與子孫耕之句一行坐咀嚼口津津也既老傳政於肯  
堂留耕能養志服勞夷險一致不以累翁軒然無恙令終世所  
謂吉人長者斯其人與丙子兵火華胥之軒歸然無恙令終世所  
異曰肖翁之方寸於此存矣方焚擾未定斯軒子立留耕泣曰  
斯吾先君子逸老之地幸不燬於煨燼忍見其飄搖於風雨乎  
乃折徙故材真之深穩越己卯別作新堂於山之陽高廣有加  
焉轉步改觀溪山環合花木隱映書度琴牀於山之陽高廣有加  
友簪履徜徉牲牢獻享進退有度我冠頎然不改常矩慢胥悍  
卒帖爾聽命里閭恬熙賴以清安人問何道而然曰吾仗此方

### 奉化縣志

### 卷三十七

古蹟

### 十八

寸而已扁斯堂曰留耕乃翁存之其子留之存之者不已留之  
者其無窮也乃於斯堂之東取華胥之材結構如舊藻飾彌新  
存其聲咳若有聞焉存其典型若見焉扁曰存古存古者所  
以存華胥之軒也曰非也所以存華胥之心也按華胥之事出  
列子寓言云其國在弇州之南台州之北自昔分畫惟九州無  
弇台也故讀者目之爲玄虛之境堯建萬國至商周之際猶千  
八百國若華胥者豈勝數耶二州者後以台爲郡蓋亦  
因列子而有是名也台本仙佛國如石橋方廣院徑桃源遺跡  
猶存以台北推之海爲一國正連山石橋方廣院徑桃源遺跡  
皆以水爲界以四海爲一國正連山石橋方廣院徑桃源遺跡  
九州各爲一州又析爲州鄉之州又析爲州縣之州列子所謂  
弇台二州乃二州渚也剡中沃州諸名山州不一余謂華胥  
正在台州之北非連山萬竹之地乎肖翁之命名有旨哉余欲  
爲留耕改存古爲存華胥未知其可乎肖翁之名有旨哉余欲  
名子震字伯起世連山  
人大德改元修禊日撰

### 朝暉軒

縣西十五里鹿頂山趙孟頫戴表元黃潛聚講之所凡

戴黃有作趙書之時稱三絕今爲法華寺

志 歷

### 潛窩 陳養直所居

剡源志

戴表元記畧剡源之徒陳生養直題其居曰潛窩客有疑之而  
言於剡源翁曰陳生年方強氣方開而遽從事於潛窩也何居他

日閒暇以問生曰彼客者安知吾潛哉而願潛於吾之無以傳永  
少為子弟於家懼倫類不通而疏於禮而願潛於吾之無以傳永  
亂懼憂辱之切其身為而願潛於名益長而履其外吾思之介介夕  
遠也而願潛於德為而願揭焉朝食凡惟是三潛不敢置而何  
歸而寢其中云哉始以避地西來幸與生家交故舊謁館憩  
有於客之雁行間步驟峭楚而隨諸兒受書稟業知見日  
止於是見生不過翰墨事相待行藏離合忽然不知光景之變  
聳然私心不語為之爽焉自失蓋翁之三章至大己酉  
化迨茲聞拒客語也乃以其意作詩於潛亦習之五  
十年而猶恐不至者乃以其意作詩於潛亦習之五

### 山心樓

陳養直建

剡源志

戴表元鄰友陳養直請賦山心樓詩  
諸峯何盤盤四起如帷牆試問客主誰  
茲樓山中央面勢既環  
合結構欲飛翔我來名山心一笑借胡牀左手南風引右手北  
斗漿山靈亦我笑夜夢車兩廂一坐三十秋林篁鬱相望花鳥  
天語默煙雲野行藏開  
通勿障蔽百世敢遺忘

### 竹素園

陳仲模別墅

陳沆剡源九曲圖記

元袁桷詩細帙不作飛白體漆簡端徵殺青書哀哉瀛王兔園  
冊自比稷契今何如陳生歌聲夜漫漫手織雲錦餐琅玕丈夫  
節束帛光邱樊

### 奉化縣志

卷三十七

古蹟

十九

明周儀思歸竹素園詩分得元公宅依稀揚子亭雨過溪練白  
水落草茵青種竹思來鳳栽松欲長苓幽心堪對此風月自窗  
櫺

### 舒嘯樓

陳沆建

剡源志

陳沆詩孫登遜蘇門阮籍往希之余亦秉微尚選勝披荆茨青  
山出曠野突兀臨四陲銀河挂蒼壁長虹閣膠枝曲澗經其下  
輸雲落清溪興一來登眺心神曠以怡仰天發長嘯習習和風  
吹泉聲叶琴瑟谷響答壩簾宇宙知何物甯論時節移習習和風  
嫁畢言采  
商山芝

竺自中月夜燕舒嘯樓詩高樓臨清溪水東西流上有琅玕  
樹下有鷗鷺洲青莎兼朱藻綠柳維輕舟開筵當良夜緩步傾

芳羞素月照荆戶華星燦庭  
隙懼言侍君子酣燕極網繆

汪元寅舒嘯樓集詩去冬屆溪曲淒其北風涼有美騷雅客  
翩翮集華堂蒼雪尊前亂白雲檐際翔坐聽滄浪曲起視明月

光剡山何蒼草水何決興來命儔侶傾此白玉  
觴青松漏華月碧草冒緜霜衣裳不厚暮夜不禁涼

陳泌夏日燕集舒嘯樓詩百卉競芳艸風扇朱夏燕婉集良  
朋壩篴送相亞流雲閣樹頭清泉進階下徘徊永茲夕魚鳥休

誇說窮巷言訪山中君棄置鵲鸞侶永與麋鹿羣波織名入空  
蹄稅窮巷言訪山中君棄置鵲鸞侶永與麋鹿羣波織名入空

谷東來青山阿曠懷偶嵇阮詞藻步陰何昨日朱顏客轉眼鬢  
成蟠相逢且酣飲為歡豈在多漢交黃鳥語戡星聚綠山警莽  
毛間海錯掃石傾芳卮調絃君自解說劍我蕪紛展綠山警莽  
不樂將何為君詠伐木對酒歌  
舒紅思君詠人咄咄徒書空  
風嗤彼失路人咄咄徒書空

野意軒 陳泌建 剡源志

陳泌野意軒初成詩初成小築待經過酒榼詩籤到此多月下  
梅花如見雪風前楊柳自生波窗明更喜晨曦暖人靜方知鳥  
韻和故引客從幽徑入隔窗微露石且嵯峨天然位置此軒新  
苔蘚緣階踏作茵偶為乾坤營一草且容風月作三人客來花  
樹鶯求友雀寄檐楣燕有鄰野色便多竹筵夕陽煙微靄看難  
眞密栽文桂結爲屏外依微見草亭滿樹夕陽煙微靄看難  
庭花氣酒初醒敲檐雨過吹燈落翁石雲來觸戶若引細泉  
通刻曲定多鷗鷺過前汀吹燈落翁石雲來觸戶若引細泉  
蓬入徑竹香蘿爛漫到窗石影月玲瓏新松小似青藜杖  
老鶴高於白髮翁更有晚涼清景在絲絲疏雨溼梧桐

宜晚堂 縣西三十里江濬遠所居 康乾志

明貝瓊記越大姓江濬遠氏居奉化之黃甘里地勢斗絕四  
山環拱而南平一峯嶄然突起狀類玉几上有石峰峙其左剡水  
東西兩溪合流之長溪折而入於鄞江又有石峰峙其左剡水  
紆其右蓋四明形勝之一濬遠入於鄞江又有石峰峙其左剡水

奉化縣志 卷三十七 古蹟 二十七 二十

郎子怡齋由太學上舍試補臨安教授至濬遠克世其學蚤受  
知中朝士大夫舉秀才歷官至福建行省照磨尋陞檢校官以  
憂家居而代革勢殊矣因葺舊廬中輿之堂題曰宜晚日肆意  
圖書而不復出矣介趙公木仲來求記乃爲之記曰山之秀也  
宜日之晚矣歲之茂也宜歲之晚矣時之壯也宜時之晚矣固  
異乎旦矣歲之茂也宜歲之晚矣時之壯也宜時之晚矣固  
宜哉何也山晚而益佳木晚而益堅人亦晚而益智豈不宜乎  
初濬遠汲汲於一試涉大江長淮上太行觀黃河風波之險  
阻冰雪之慘栗未嘗憚其勞苦焉是亦宜也於進者孰與鈍之  
榮於前者孰與困之全於是盤桓之壑則怠而馳騁四方之  
爲宜也夫退與之迹見於春秋方盛之時則怠而馳騁四方之  
志施於徒相去奚翅千萬乎由是觀之木也溺於利祿顛仆  
不止之徒相去奚翅千萬乎由是觀之木也溺於利祿顛仆  
病乎晚人之所宜乎晚者惡知進退存亡之道哉此予嘉其爲人樂  
以爲非人之所宜乎晚者惡知進退存亡之道哉此予嘉其爲人樂  
記書而

來青樓 縣北三台山下宋潛所居 康乾志

明

靜深齋 縣西剡源鄉陳桎藏修之所 剡源志

馮必達賦靜深齋藏書詩東京班氏人門強家有賜書紺軸裝  
富於秘閣分四部破壁發冢搜遺亡叔皮有子固弟續成漢  
史繼子長陳子家號藏書窟婆娑枕席忘歲月高眠捫腹笑便  
便抽新擷秀無休歇古之學者豈無人截蒲編柳何艱辛不然  
從人借鈔寫入市強記資心神何如坐擁萬卷上夕被召羅  
奇珍比來修史館舍開直文老筆需逸才姓名朝上夕被召羅  
章新載歸鴻裁世館舍開直文老筆需逸才姓名朝上夕被召羅  
高太倉張華徙宅連車繞不聞守業更許驕人如君無愧諸班好

貧樂窩

鮎埼邵真齋讀書處

遜志齋集

方孝孺記世謂士者多貧豈天使之然哉才高則不忍以利自  
污道得則不屑與俗相混其所存者榮大異乎是以甯適意於  
爲垢穢而不肯視其肯小屈其志以求之乎是以甯適意於  
餓而以沈溺利欲爲深恥世俗不之察因以士善貧烏知富貴  
之正哉物之可以奉其身者無不給世俗之謂富貴者也然過  
取之也有禁苟得之也有禍稍踰其分則人思役之鬼神害之  
不致於蕩覆漸盡有不已方其得所欲而守之也或有媿於其  
心戚然若蒙不潔而恐人之覺也凜然若臨百仞之淵而憂於  
墜也曷嘗有斯須之樂哉士之於富貴則不然於三才萬物之  
理無不得諸己於國家天下之事無不備於身前乎百代之上  
後乎千載之下包羅綜括而不少遺大而日月河嶽照臨流峙  
之所由小而草木花實之盛衰陰陽寒暑之消長靡不存乎中  
而有以識其故然此猶其取於外者耳至於絕私去欲以全其  
性窮微致曲以達乎命堯舜禹湯文武之所有者與之絜深較

廣而無怍周公孔子顏孟之所學者沛乎若皆在我而無虧斂  
之於一身而非有餘施之於政教而無不足當其存心無窮以  
自樂其所存操威福之柄者不能奪而爲之入其視富貴果何  
如哉世徒駭區區之外物而以士爲貧不知有道之樂固超乎  
富貴之表也奉川邵君真齋名讀書之所曰貧樂窩予不能知  
邵君悉其所樂也然不謀而合者心也期而合者道也舜之  
居深山伊尹之處畝顏子之在陋巷時之相去數百載而其  
可樂如合券然孰謂邵君  
之樂獨異於予之所云乎

奉化縣志

卷三十七

古蹟

二十一

繼志堂

舒彥高作繼其祖文靖之志以講學故名繼志

遜志齋集

方孝孺記負高世之器者當任舉世之責才足以高天下而不  
以天下爲心知道者不忍爲也天之生斯人也其才之相遠若  
兼葦之於栝柏優劣大小不可以數計隴畝之人不能處其身  
鄉黨自好之徒不能知一國之俗而吾獨幸而會天地之全達  
性命之中通乎事物之理傑然超乎衆人之上乎千載者將俟  
予以爲章後乎斯世者將資吾以爲準而與吾同倫共域之民  
非吾則無所恃以自立苟不思爲之計而恤恤焉私利其身安  
在其能過於衆人也哉是以聖賢豪傑之居乎世不憂其躬之  
饑寒而憂四海之不治不憂聲譽之不著而憂斯道之弗明  
形憊而憂四身之不治不憂聲譽之不著而憂斯道之弗明  
以異乎端曲士偏天下而私之教而非道以墨佛老之所能及也  
昔宋乾道熙之問子朱倡孔孟之道以墨佛老之所能及也

者甚眾而陸文安公子靜獨以其所自得出乎其間與之相角  
聞其說者或疑其高遠而難繼然嘗誦其言以為宇宙內事皆  
吾事也卓哉言乎是豈剿說竊取而為此言也乎朱子道之至  
雖未必皆合於聖賢而斯言則聖賢不能易也自朱子之沒聖  
賢之迹不復見於世為士者志卑而日下舍利祿名譽無所存  
其心竊觀其為而哀之四明舒君彥高作講學之堂以教其子  
孫而名之曰繼志問其所慕則其祖文靖公璘而文靖公則陸  
公之門人也因陸公之言而推其志是豈苟以儒學自名者乎  
率是以為君則可俾宇宙內無失所之物率是以為臣則可俾  
當世無不善之政雖不獲見知於時以行其道然其所至事功  
輒赫赫較著其志亦從可概見矣然則文靖之學意彥高欲起  
而繼之者甯不在茲乎由聖賢之事考之善繼堯舜禹湯文武  
之志者莫大於孔子繼孔子者莫如孟子並於一時而承之者未  
嘗絕也其人未必出於一家其生未必蓋道之本乎心者不能  
乎一師而居今之世有能修聖賢之業以天下自任居則淑其鄉  
不仕則行乎政教豈非賢者所望於將來者乎苟舍所當繼而  
以利祿華寵為學術之極致此世俗之陋也固非文靖之志亦  
非予所望於賢者之子孫也

### 戴拾遺宅

縣東一百步

康乾志案康乾志又曰今為察院司  
考察院建於洪武十二年是時戴氏方

盛未必即改為公署又察院即倉基地距  
離亦不及百步二志之說似未盡可據

### 奉化縣志

卷三十七

古蹟

二十二

### 三石草堂

寓公全整所築林泉草木之勝甲於九曲

結埼亭  
外編

### 蘿石軒

樓則中築

春草齋集

烏斯道記奉川有君子曰樓則中氏則中之室枕溪面山固足  
以登濯為樂又別構藏修之軒室左以蘿石名而請於余曰凡  
黼黻是軒者舉莫之有也惟前峙一石高不過尋丈而狀甚怪  
青質白理蓋生自具區為波濤所鬻芒角俱泯其澤如玉雖久  
而不變蘿施生於石上縱橫交錯貫眾竅而出枝葉敷榮綠潤  
雖榮瘁有時而生意不息可翫或與賓友豆觴移席其上酒酣  
而歌擊石為節石鏗然有聲清若浮磬引蘿為幄紛披若流蘇  
邀清風而激靈襟可樂也且世之金石皆喪於屐篋而斯石可  
無恙材木皆夭於斧斤而蘿散所賦詩多曠達宜其取於是也夫  
生記之余素識則中性蕭散所賦詩多曠達宜其取於是也夫  
陰氣凝而為石雖剛而胚乎柔陽氣衍而為蘿雖柔而孕  
乎剛一剛一柔天地之道也剛柔既定而不可易物性然也人  
之性可以剛可以柔而適乎中者或寡君子體天地順陰陽劑  
剛柔而弗以剛過焉則庶幾矣乎故易曰剛來而下柔賁又曰柔  
來而文剛此剛柔相配或先或後而不之忒書曰強弗友剛克  
變友柔克沈潛剛柔相配或先或後而不之忒書曰強弗友剛克  
膠也則中之視蘿石其所  
得在於是可不益勉之哉

### 愛日堂

松隩鄉貢卓民奇築以奉母

忠義志

廬陵周述記聖天子卽位之四年大開秘閣纂修大典一時被命焉余獲識之禁林每校讎暇則慨然以不得事其親爲恨一語及卽於邑出涕其家居時嘗作堂奉母不可不知一則以喜不則以懼孔子有文以記予惟父母之年不可不知一則以喜不欲親長享百年哉無如修短之數實係於天非人所能必也幸而壽矣則又憂乎去日多而來日少也故喜懼相勝於胸中是以心甯有窮乎茲以愛日之誠而顏之於堂予深省日疏既喜春秋高而又懼父孝事萱堂壽踰七十去親而遠定省日疏既喜春悟過人掄拔只在目前祿養榮親名揚功立予知異日有懷民奇者并愛及其親於千百世也是不愈於愛一日愛一時愛百

白雲書舍

縣西剡源鄉曹習古築

剡源志

林誌記監察御史曹君習古之考用莊先生贈文林郎監察御史先生既早世不祿母太孺人課書嘗謂曰爾父治命云吾積書以爲吾兒箕裘迺弗及而溘先朝露命也第以書與孤累汝汝能以書亢宗吾歿其瞑乎君每聞母言卽潛然內傷於是

奉化縣志

卷三十七

古蹟

二十三

曰就外傳夜則焚膏繼晷孜孜不倦紹成先志旣而擢聲司成榮拜今官繡衣驄馬歎歷中外爲良御史君自得祿卽爲同母就養顧以使外弗違願莫之遂每持節所至望雲而思不勝梁公之感故繪圖而名曰白雲書舍以志思母而憶父也間屬余文以記之蓋余惟揚子雲云父母者子之天遠而嚴者天地而父也懷愛也蓋父者親之愛之所由也嚴者敬之所由也子之地地邇而親者愛之所由也嚴者敬之所由也孰不欲嚴以爲愛俾其成之無歟而其母不克以慈兼嚴不教雖身往而書存而戚其父母也往已曹君之欲成志積書以爲子如君克遵母教而成父志也則斯圖以名豈非欲兼愛敬而有之云乎夫能愛而敬孝之至也而以圖揚名儻績在擴而充之矣然則瞻彼白雲親舍其下固人所以揚名而書舍以望雲興懷則曹君之所獨也余爲記之非惟嘉曹氏之有賢父母也且懷著若曹父者其身雖歿而以遺書裕子如此況生存而以教者可無勗哉

清目樓

松隩待詔翰林卓迪築

忠義志

廬陵曾榮記松溪山中羣峯綿互碧澗潌迴夾以長林修竹洵海濱一佳絕處也民吉築樓數楹於其間以供臨眺養親餘閒升高以望海波瀾漫白光接蓬萊一笠樓有纖翳攢青聳翠流動眉睫凝睇之頃萬景俱新遂名其樓曰清目居數年以炯然而清蓋深與予語及斯樓之趣勝輒引領翹企目光閃閃神書法至京師每與予語及斯樓之趣勝輒引領翹企目光閃閃神

采飛動如在海天空闊之表蓋未嘗頃刻忘情於樓也因徵子  
言以記之惟目之官所以司事而不能思是以蔽於外物引  
而去由是營然眩瞽冥行瞽蹈無所不至惡在其能清乎心則  
能思而以思為職既得其職則不蔽於外物而耳聽目視皆得  
其正所謂天君泰然百體從令也民吉窮居野處之時接於目  
者無非煙霞之杳靄泉石之冽峭雪月之皎潔風霜之淒冷目  
之清宜矣今出而效用優游詞林出入禁闥目之所見則朝廷  
宮闕之壯麗觀樂文物之盛錢穀甲兵之富冠圭組之榮一皆  
環奇偉麗之觀宜其動心駭目為物引去而能澹然無所動於  
其中且尤倦倦於清目吉可謂先立乎其大者與其過人遠  
矣將歸省親而請予言不置遂書此  
以復之永樂戊子春三月十八日

清約齋

卓迪讀書處

忠義志

清江聶鉞記夫子嘗以虞仲夷逸謂身中清又謂以約失之者  
鮮矣夫清一也而約有二義不豐謂之約不自放謂之約則  
清則不汙約則鮮也故也修身之道所當先也然世所謂清者不  
過儉約清潔而已試以富貴者言之如李叔英在東漢為刺史  
為謁者使領西域任藩翰之重位尊祿厚而羊席布被人所饋  
遺一毫無取晚歲結草為廬拾橡自給此其以清約載於史傳  
垂千古而名不沒今四明卓民吉以清約名其齋民吉方學而  
未仕也其富貴未至與叔英同即所謂清約亦不必盡同也  
大抵君子學以操履為本本壞則利慾汙之所以汙者由其自

奉化縣志

卷三十七

古蹟

二十四

放而不之檢耳自放則學怠而不進業荒而不修又安得為清  
者事乎民吉必由不自放之謂約以修其身以清其心以潔其  
身而益進其學焉異日厚祿膺仕益以清潔儉約自持其不為  
東漢君子之流乎國子監董季甯與民吉同里言其勤學好修  
又工繪畫以所作山水示余有神妙可觀者其為人温而有禮  
也介乎其守也謙謙乎其接人也其素履蓋可知也記之宜矣

洪武己巳仲夏中澣之吉

蘇臺陸壇詩聞道幽齋好先生亦隱淪詩書千古意天地一  
閒人老樹含秋雨新醪汙葛巾逍遙北窗下不識馬蹄塵

宋侍郎宅

縣北三里北山宋琰所居

康乾志

還舟渚

縣東迎恩亭下明邑令周銓在任六年召為監察御史

去之日自造船至張家灣命駕還繫迎恩亭下民稱其處曰還舟

渚

康乾志

明汪綸詩明公遺愛一孤舟橫絕類波此繫留淨渚正臨傷別  
館危檣空倚望中樓山疑峴首碑常在江與錢青水合流昭代  
宜登循吏傳民謠應得史官修

惇義堂

在大堰

金問素記天下之治易能也而家為難夫以勢而視之廣輪之所  
大下之里胥之天下宜非易也然邑有長郡有暴者可以刑禁有非  
難矣則不狎其遠則易疏之則傷恩慢之則陵分非義以維  
也近則保其羣聚而文爭也豈非難哉四明奉化王氏自唐  
銀青柱國諱敬玘者始相列左右堂之外雜蒔花木歲時伏  
臘文琳兄弟徜徉其間孫曾誦詠于斯不暇蓋連山之奇絕處  
鎮亭龜水之勝如揖如趨奔走效伎之暇蓋連山之奇絕處  
也文琳以出粟旌道宰制乎羣動也即因其友竺君來謁囑為  
堂記夫義以正理道為義民進謝闕廷也世之以自居者亦眾  
矣然不過相養以聚相沫以生以異乎一方而已耳欲其久  
而不變烏可得哉必也夫而婦父而子而兄弟而欲其久  
內外之不相逾也儲峙之不相私也夫是而可謂之義而知所  
篤厚矣吾聞文琳自其父元帥府萬戶伯英與其父宗禮者  
素以行誼聞於鄉而尤樂施與文琳於茲復能推其所有以副  
公上之急夫語仁民者必由親始若則文琳後者尚思引  
惟有其名而且有其實矣由今為文琳後者尚思引  
而伸之以延於無窮其實亦有利哉是不可以無記

### 承恩堂 在大堰今圯

王英記上嗣位之五年舉預備王之政命廷臣巡行州縣聽民出  
粟以佐賑恤時浙之奉化縣民王文琳祇若德意首出粟二千

### 奉化縣志

### 卷三十七

古蹟

### 二十五

六石各有司以其事聞於是錫以命書旌為義民且勞以羊  
禮復其力征高門大廈龍章煥發映照里閭文琳拜賜既復  
思曰文琳一介小民幸生長太平不識桴鼓之役得盡力農畝  
以有合龠之盈今小龍異若其何敢當乃作新室以奉命書顏  
之曰承恩旦夕焚香齋沐躬率子姓以昭答天賦文琳其知所  
謹矣文琳以今年夏謝恩來北京上復賜饌大官將還而因精  
膳員外郎王士華以堂記請仰維皇德格於天雨暘時若百  
穀同登者非一朝而尤孳孳念下民所謂居富盛而慮水旱  
雖堯舜之世夫何虞猗歟休哉不然今之給公府者臨之以刑威  
示之以程至有盈歲累稔而居政而舉者皆是也文琳乃克取  
贏以思濟夫人誠非易者使凡居政而臨泣斯人者皆用文琳  
之心以為心於政不苛於賦有法人之不獲其惠者蓋鮮矣春  
秋之法常事不書琳者可不書哉時正統癸亥五月上倡  
下義之應得如文琳者可不書哉時正統癸亥五月上倡

### 存古軒 大堰

明應履平存古軒銘并序王氏文葩乃唐長慶間仕會稽一日抱  
先世遺墨走於子日葩鼻祖諱昌閩人唐長慶間仕會稽一日抱  
於山陰十四世祖諱敬玘者官至銀青光祿大夫明州軍事以撫  
未幾朝廷以浙東地多濱海盜或侵境仍命知州軍事以撫  
安之以故卜地得奉川之萬竹因家焉六世祖諱應辰仕宋為  
御幹嘗於家園中鑿池植蓮軒其子道遙徜徉榜曰肖華胥  
後以舒嘯自得號嘯軒五世祖諱回祿而此軒獨老人任兩浙  
運幹德祐丙子間鄉閭以兵變悉遭回祿而此軒獨老人任兩浙

奉化縣志

卷三十七 古蹟

其忠仰槐蔭之鬱鬱斯存古之無窮

萬竹堂 大堰王文瓊所居

慈谿馮益記畧萬竹堂者四明文瓊所居之堂也其先居里之小萬竹衣簪不絕文瓊既居里而復得台人方塘所作萬竹圖乃於堂之西周種竹數萬竿日新月盛青翠森森映几牖間題其扁曰萬竹堂

竺忠節宅 縣北三十里竺淵所居

康乾志

項侍御宅 縣東南二百步項慄所居

康乾志

錫命堂 在長壽鄉龍潭馬即高唐知州馬鉦宅

鄞楊守趾錫命堂記郡城南出長春門陸行御馬水行舟航郵籤三十里許有石橋江有津曰北渡之南奉化境也塘十里有輿梁曰坊橋之南有楔道榜曰文秀鄉者高塘知州馬君初發解時吾兄文懿公名之以表閭者也自閭北望甲第連雲輪奐飛者君第宅也初於外門有亭翼然穹碑屹立以治行卓異被旌所錫之命亭之北即正寢榜曰錫命堂時賜也夫一命而儂孔父以銘其鼎一鯉之寢仲尼錫命子鏘炳耀若斯者乎碑而勒之亭以覆之堂以音寶之其龍鳳敕亦

至矣馬君名鉅字靜之其先世名公正字中直宋時自姑蘇來  
知奉化州家之鉅字靜之其先世名公正字中直宋時自姑蘇來  
稱云君始力學遊鄉校學諭成先生矩器深之嘗將命文懿  
公所予與君俱未弱冠遂之焉至今五十餘年矣予老且病  
無字絕交君求堂未允賜昭臣節光紀先德而覆後裔者  
也不可不書遂力疾為之  
記正德六年七月下澣

### 宋長史宅

縣北三里三台山宋佳所居

康乾志

### 閒樂軒

在江口山成化初廣州右衛知事駱輦致仕後築

安仁黃岳閒樂軒序四明奉化有敦敏之士駱公輦字朝儀者  
乃故家文獻裔也讀儒書崇孝友入仕四十餘年致還鄉其家  
後清水巖上數十步有一奇峯松竹蒼翠秀插雲端遂構一軒  
於其上扁名閒樂吾友李君端是公女兄之子來屬予序之予  
維樂者喜好發散在外之謂凡人莫不有所樂也蓋世之人非  
一而所樂亦非一昔鍾子期之於琴陸探微之於畫鍾元常之  
樂圖之作歐陽公有一廬山高會之賦韓昌黎之涉華山李太白  
之遊峨眉王政事大發萬物其樂宜矣今朝儀公無毀譽得  
失之患無王政事大發萬物其樂宜矣今朝儀公無毀譽得  
賞悅親戚之情話盡東南之美意則花木鳥獸仁義之膏腴則  
聰明或博帶冠自適其中咀詩書之精華咽仁義之膏腴則  
風輕雲淡之雅趣足豁其性情其所樂如此豈可比邪故不辭  
公之樂相羸履其如子期輩一事一物之樂何可比邪故不辭  
而為之

### 奉化縣志

### 卷三十七

古蹟

### 二十七

汪師古閒樂軒記江口駱君朝儀上言以禮致仕考滿吏部書  
最將陞擢時年已逾六十適大臣之願為言之予惟樂人  
朝儀用是得七品致仕擬歸所居也願為言之予惟樂人  
意為贈既歸持卷謂予曰予閒樂人也願為言之予惟樂人  
所自有舍之而不得者眾矣心閒則樂行也願為言之予惟樂人  
也樂善者身閒亦樂身不閒矣心閒則樂行也願為言之予惟樂人  
不入伊尹耕於莘之野以樂堯舜之道至湯三聘而起任阿  
衡堯舜其君民非行其所樂乎孔子疏食飲水樂在其中顏子  
簞瓢陋巷不改其樂聖賢之心無物可得恆樂也眾人心役於  
身雖閒而心戚欲求一息之閒不可得也今之樂者聽其自  
利無不在其利江有舟楫之利山有材木野有牛羊市有貿易  
故能閒而樂然一有之則無物雖資吾身者無亦聽其自  
也仕宦三十餘年久處廣東物華珠玉之地使其心不閒則  
裝千金變化不己惡能致今之閒哉仕宦休朝儀蓋先得我  
皆為囊裝所奪耳予嘗有言曰貧則閒閒則樂朝儀蓋先得我  
心之同然者矣若夫聖賢則不由於此蓋貧富皆閒無往不樂  
欲希賢則當先以安貧為事而後求其閒樂也朝儀蓋先得我  
故以是為之記成

竹莊 縣西北二十里泉口主事孫勝性嗜墳籍構竹莊書屋儲

之因以自號後卒於京師書多散亡其曾孫能傳欲修復之而旋

為火所燬孫事倫竹莊書屋碑記參鎮亭樵唱

工部尚書王恭簡公宅 縣西南七十里大萬竹王鈞所居康乾志

堂廡傾圮中經更造惟第門尚存前明之舊

戴通政宅 縣西一百步戴璟所居康乾志

王侍御宅 縣西二百步王杏所居康乾志

省方亭 在錦屏山巔嘉靖間邑令錢璠建亦名雨奇山閣

國朝乾隆間改為上塔菴康乾志

餘姚錢德洪記奉川四山羅延巋然獨峙者錦屏山也盤旋  
井落之間邑治負焉余昔遊天姆華頂嘗道其境環睹層巒疊  
嶠渺天際目殊不可窮狀及一登錦屏之巔不藉車輿陟涉四  
顧之下諸勝攢萃坐可俯而有也歲嘉靖丁酉縣尹錢君竹梧  
報政之五年民人浹和政治休暇每退食與其邑中之賢達者  
與賢達之遊寓邑中者偕登錦屏徘徊瞻眺道論古今咨諏政

奉化縣志

卷三十七

古蹟

二十八

治得失百姓喜公車出老稚擁觀隘巷壯者附趨後先或爭持  
酒醪舖果以輔歡劇一日與吾友俞子思齋劇翁子愧崖酒  
酣而樂顧二子曰是山當諸勝之萃是巔又當茲山之萃不有  
名亭曷羨嘉境乃命工柱石而亭之請二子名二子曰君出遊  
而民樂君遊樂而治益進是遊無非事者請以省方名亭如何  
君曰諾於是二子以書請予記其事緒山子曰古者天子巡行  
方嶽諸侯會朝燕聘憑軾結紉車轂之聲軋於道而民不稱病  
文王以民力為臺為沼康矢歌音於卷阿裨謀政在野子賤  
寄興於琴是何政治之暇且豫也後世規規於纏繳之中身勞  
於智事竭於謀然而暑涉迹於山水觀游則百姓競胥怨詛執  
法者從而議其後矣是何古之不相及也豈論治者未有其  
端耶是故治天下者如治絲繹其端毋攪其亂焉已矣古今之  
善為治者正其身而教存順其時而事存因其俗而化存繹其  
端也故治者正其身而教存順其時而事存因其俗而化存繹其  
也惠下以勤示民之無倦也事上以正示民之不援也接士以  
禮示民之有敬也宜其治久政益暇日嶺隱潭雪竇諸名勝  
踪跡所到風物具存下不以逸道者乎是以疑政最日聞於上  
誦聲交作於下其庶幾古之逸道者乎是以疑政最日聞於上  
桂閩人思齋名大本與余同邑俱已應聘南宮竹  
梧名璠海虞人其先與余俱出吳越武肅後云

含光亭 在鳳山今圮

高青亭 在官山巔今圮

憑虛閣 在城西北隅

挹秀樓 在日嶺邑令錢璠建

康乾志

餘姚俞大本記奉川錢侯蒞邑年久政通民和百廢具興間及山澤亦有創葺去邑十里有山為日嶺觀之若人狀俗遂以名挺壁立上千層霄下可寬二畝許人禱祈祀若無悵憫瞻歧之意下復為夫人祠尸之然以爲里人禱祈祀若無悵憫瞻歧之意逸登茲祠者不獲挹見茲石之秀則又與茲石秀狀轟轟在目侯偕客至則興歎曰此豈非邑人之闕典也與哉爰命工治材為樓三間闢之以窗使人凭闌仰窺而茲石秀狀轟轟在目題為挹秀樓時余適觀厥成侯即記屬夫令尹洩有邑士則一方之山川皆主之則夫摠靈呈秘重或避幽以公於民才力不給者戴星竭膏又且纏束於簿書期會之知侯之教民者然則於茲舉也固足以徵侯之志之亦以知侯之教民者深也是故挹其中立可以不仆然而民知強矣挹其孤特可以不羣然而民知廉矣挹其銳穎可以厲然而民知強矣挹其孤特可以設教此或其一端歟然則茲樓也豈徒以資遊觀從逸樂者乎哉爰為志其實如右若夫費捐祿資役不妨農則自侯之創葺皆然不必書也侯名璠字國用號竹梧為蘇之常熟人云

大觀堂 縣署東南副使項守禮所居

康乾志

奉化縣志

卷三十七 古蹟

二十九

鄞張時徹記項大夫減峯先生治第於縣署之東南負坎而面離靈和蓄結土壤夷曠門堂寢室實館師塾罔不匡飾名其堂曰大觀乃奉其尊人三峯公燕息其中稱觴戲綵歌南山之詩上千百歲壽賓至設俎張筵吹竹彈絲以爲娛愉如也客進而請曰堂名大觀其義云何大夫曰吾以志吾遇耳且鸚鵡安榆而鵬翔於寥廓鶴鳴九皋而昆蟲蟄於戶各有所安也蒙士以環堵為迹而天朝行役於四方都邑蕃布川谷星羅敏幸邁熙隆之運策名天闕之崇青城紫宮之窈窕一若岱岳太行水若龍門凡稱奇志擅雄寰宇者罔不一而寓目焉每一記憶滄海凡稱奇志擅雄寰宇者罔不一而雖僻在一隅而山川盤礴足展舒眺高臺曲池芳林綺錯列於左右者如拱抱不啻鳳翥而鸞翥也景仰之則橫山陳其前曲澗經其側文峯玉几抹翠流朱掩映於睇者無算又與獻媚而爭研又前則三山九繞綿互列岫排空虹橋亞海蓋占煙霞之魁其間天門突起迴絕塵區列岫排空虹橋亞海蓋樵牧之鮮經其神仙之所都也堂列青陽布澤天宇晶明繇花雜樹吐藻舒英朱明應皓月耀靈風於沼揚清谷響與聲互答秋高景肅野曠天空皓耀靈風於沼揚清谷響與飛丹積素凝白瓊瑤不幾幾珠璣燦燦坐收六合之勝於美麗也吾得兼而有之施於几席之間而收六合之勝於美漉喧囂怡神昭曠余曰子知大觀之富而侈牖室則光容不入鑑而告余請繹其說余曰子知大觀之富而侈牖室則光容不入鑑

垢則好醜不章況足以議於大庭之外乎故君子非無目之患而不能視遠之患易箴鄙家孔戒牆面其為訓一也故屏斥嗜慾所以凝神之方寸而有餘放之六合而不礙囊括宇宙上下古夫是以養之能事畢矣是之為大觀非大夫所以名堂之義乎今而天下之能事干之祝大夫以明經起家甲辰進士所客曰唯唯請持以效斯干之祝而退論者以不竟猷幹至綽有政聲仕為山西副使引身而退論者以不竟猷幹惜之代以儒術亢宗稱世德云嘉靖庚申歲春三月書

翰林松

在雪竇高令欲伐之戴洵乞免因號為翰林松

四明山志

戴洵詩翦伐先曾乞縣公至今人號翰林松野猿知道非封爵猶抱寒條候晚鐘八景銷沈絕舊蹤百年只得一株松也知不是無情物翠色而今作意濃

孫工部宅

縣北二十里孫能傳所居

康乾志

鄔太守宅

縣東二十里鄔元會所居

康乾志

鄔參政宅

縣北東四十里鄔鳴雷所居有來青樓有浮槎閣

康乾

志參采訪

芳杜洲

縣北一十里萬家河戴澳所居有九曲三山之勝

奉化縣志

卷三十七

古蹟

三十

孫學憲宅

縣東三百步孫際可所居

康乾志

魯王殿

忠義鄉鹿頸鳳凰墩相傳王朝先張名振張煌言等屯

義寨於其地因建此殿今遺址尚有瓦礫

忠義志

小萬竹山居

少參羅夢章避地處

孫事倫鎮亭樵唱詩注

全祖望萬竹山中訪故少參夢章羅公避地寓詩剡源清絕處傳是使君居辛苦畫江後章皇蹈海餘周黎猶被蔭蜀道竟何如合有甘棠祀同招海岸居

王太常山居

縣西剡源鄉王玉書東江兵起以明經授太常博

士旋棄去遜入山林

剡源志本詩彙

坊表

大銀臺坊

嘉靖間為通政使司參議戴璟立

侍御坊

嘉靖間為御史王杏立

世憲臺坊

嘉靖間為御史項禮立

登科坊

宣德間為舉人項怡立

大方伯坊

永樂間為布政使嚴貞立

冠英坊

天順間為舉人嚴垓立

奪錦流芳坊 宏治間為舉 經魁坊 正統間為舉

蜚英坊 天順間為舉 澄清坊 今

恩承天寵坊 萬曆間為舉 尚書坊 嘉靖間為舉

肅憲坊 為僉事應瀚立 傳桂坊 宣德間為舉

凌雲坊 永樂間為舉 進士坊 正統間為舉

承芳坊 天順間為舉 青雲坊 為舉人沈璆立

嘉會坊 今廢 繡衣坊 景泰間為舉

錦衣坊 嘉靖間為舉 瓊林春色坊 北街為進士

桂林坊 景泰間為舉人王珂 閩淮都運坊 縣東一里為都

大司成坊 縣東門外為 永平坊 惠橋東

福甯坊 縣東 善政坊 惠橋西

永康坊 惠橋西

奉化縣志 卷三十七 坊表 三十一

雙桂坊 縣東二里乾道間為王時敘王時會兄弟建至元十

重桂坊 縣東二里嘉靖 選元坊 高縣東府三同知張城立

嘉慶坊 縣東三 進士坊 縣東三

經魁坊 縣東三十里為 朝京坊 縣東北

釋褐狀元坊 縣東北圭立屢圮屢修今又圮

德星坊 縣東北 延壽坊 縣東北立今圮

集賢坊 縣東北八里正德間令陶麟為

廷平坊 縣東北八里為 擢桂坊 縣南一里

畫錦坊 縣南三里為御 登第坊 縣南五十里為許泉立

登陸坊 縣南五十里結埼宋 文魁坊 縣南五十里為胡塘立

甲魁坊 縣南五十里 司馬中丞坊 為贈兵部侍

恩光坊 為太平節推

恩薦坊 縣貢西南王八十里 應宿坊 縣萊西南王八十里

進士坊 縣立西南案八十里 宏治間為王

拔萃坊 縣立西南案八十里 乾志為貢生王希

柱史坊 縣應西三立 鳴陽坊 縣為應西四立

桂林坊 縣為江述立 進士坊 縣為江淵立

總憲坊 縣侍西三立 紫微鄉坊 縣左布政使履平立

經元坊 縣為應西八立 天官里坊 縣為履平立

登雲坊 縣嘉西二汪宏海立 司諫坊 縣給事徐維超立

進士坊 縣為應西三立 繡衣坊 縣御史陳璘立

一椿四桂坊 縣汲北二劉淮舉人為劉河劉漢立

司直坊 縣國北二監丞宋佳立 登科坊 縣為舉人徐維超立

經魁坊 縣為舉北二陳璘立 進士坊 縣為宋二立

奉化縣志 卷三十七 坊表 三十二

丹桂秋香坊 縣舉北三宋旭立 亞卿坊 縣兵部侍郎宋瑛立

雲錦坊 縣舉北三宋瑄立 恩榮里坊 縣僉事宋儒立

經魁坊 縣為宋北三立 臺憲坊 縣正統間為僉

躍龍坊 縣為宋北三立 奎光坊 縣為宋北三立

青雲聯步坊 縣部北二孫勝立 觀光坊 縣舉北三立

進士坊 縣為竺北三立 忠節坊 縣建參政竺淵立

雙躋榮壽坊 縣為誥北三十五里 萬麻立

文秀坊 縣為北四十里 康乾志為舉人馬鉦立

繼美坊 縣為父東三子進士鄔文伯鄔秀實立

世進士坊 縣陸奇為舒廷謨立 旌義坊 縣為義民王景莊立

進士坊 縣袁鑛立今 青雲坊 縣為舉西百步景泰立

司曹帳籍坊 縣部主事孫能傳立今

長春勝槩坊

剡源鄉下蹕駐

貞節坊

縣東廣平鄉舒立妻王氏為節

貞節坊

縣東廣平鄉舒三昌妻周氏立

節孝坊

縣北泉口為孫邁妻何氏立

節孝流芳坊

縣北泉口為孫如珊妻陳氏立

節孝坊

縣南里許為俞孝河妻劉氏立

天褒貞烈坊

縣東南四十里雲蓋嶺西乾隆十一年為黃氏武姊立

節懋松筠坊

忠義鄉應家棚西乾隆十年為應滔亮妻吳氏立

壽婦坊

剡源鄉三石乾隆三十六年為趙有積妻黃氏立

一門雙節坊

忠義鄉莊下村東嘉慶元年為卓能寶妻李氏能興妻王氏立

百歲坊

縣東惠政橋東岸嘉慶八年為千總王尙勉妻黃氏立

奕世流芳坊

忠義鄉應家棚西嘉慶二年為應模彬妻殷氏立

節孝坊

縣東停山道光辛丑為鄔炳文妻楊氏立

節孝坊

長壽鄉周村為周康載妻汪氏立

節孝坊

剡源鄉董村為廩生竺苞妻陳氏立

節孝坊

縣東二十五里居敬橋畔為鄔奎光妻楊氏立

節孝坊

忠義鄉茅嶼同治十一年為王瑞灼妻章氏立

節孝坊

忠義鄉桐照嘉慶十四年為林義澄妻邢氏立

奉化縣志

卷三十七 坊表

三十三

明德坊

縣南十步正德間縣令周銓為左拾遺戴德彝立